



SAOPŠTENJE ZA JAVNOST – PROJEKAT

Sarajevo, 18.12.2013

Publikacija „Ko smo mi da sudimo drugima?“ Ispitivanje javnog mnijenja o stavovima prema homoseksualnosti i transrodnosti u Bosni i Hercegovini

Fondacija Heinrich Böll – Ured za BiH, zajedno s partnerskim organizacijama, Fondacijom CURE i Sarajevskim otvorenim centrom implementira projekt „Coming out! Zagovaranje i zaštita prava LGBT osoba“ koji finansira Evropska unija. U sklopu projekta sprovedeno je kvantitativno istraživanje širom Bosne i Hercegovine kako bi se bolje razumjeli razlozi za homofobiju/transfobiju te diskriminaciju na osnovu seksualne orijentacije i rodnog identiteta u BiH. Ovo istraživanje javnog mnijenja je provedeno na uzorku od 1010 ispitanika/ca. Svi dobijeni rezultati istraživanja predstavljeni su u publikaciji „Ko smo mi da sudimo drugima?“ Ispitivanje javnog mnijenja o stavovima prema homoseksualnosti i transrodnosti u Bosni i Hercegovini“ u kojoj je dodatno urađena dubinska interpretacija rezultata u bh. kontekstu.

Ispitivanje je pokazalo vrlo nizak stepen senzibiliziranosti opšte populacije prema lezbejkama, gej, biseksualnim i transrodnim (LGBT) osobama, kao i nedovoljno znanje o položaju i problemima s kojima se suočavaju LGBT osobe. Tako 56,5% ispitanika/ca smatra da „homoseksualnost treba liječiti“ što potvrđuje ustaljeni stereotip, kao i nedovoljan stepen znanja o homoseksualnosti koja je skinuta s liste bolesti i društvenih poremećaja. Za tri četvrtine ispitanika/ca ljubljenje na javnom mjestu osoba u istospolnoj vezi je neprihvatljivo, za razliku od promjene spola kod kojeg je manji postotak odbojnosti (59,5%). Određen stepen tolerancije prema LGBT osobama se može zaključiti iz podatka da više od 90% ispitanika/ca ne bi vršilo fizičko ili verbalno nasilje nad LGBT osobama, a 75,6% ispitanika/ca nasilje ne bi posmatrali pasivno, odnosno pomogli bi žrtvi.

Ispitivanje javnog mnijenja je pokazalo da su spol i stepen obrazovanja najvažniji faktor koji utiče na stepen homofobije. Žene imaju mnogo liberalnije stavove prema homoseksualnosti u odnosu na muškarce, kao i ispitanici/e koji žive u urbanim djelovima u odnosu na ruralna područja. Ako se uzme u obzir dobna struktura, mlađi ispitanici/e su mnogo tolerantniji/e i otvoreniji/e prema LGBT osobama u odnosu na starije.

Ova publikacija je dragocjena polazna osnova onima koji/e će se u svom profesionalnom radu nastaviti istraživački put s ciljem daljeg senzibiliziranja javnosti o pravima i potrebama LGBT osoba. Postojeće publikacije su i nezaobilazna baza podataka, analiza i preporuka za sve one koji se bave LGBT temama u BiH.

Svi/e zainteresirani/e PDF verziju publikacije možete preuzeti na stranicama Fondacije Heinrich Böll <http://www.ba.boell.org/web/index-746.html> i Sarajevskog otvorenog centra <http://soc.ba/prava-lgbt-osoba-u-bosni-i-hercegovini-politicke-partije/>, a štampanu verziju možete preuzeti u prostorijama Sarajevskog otvorenog centra i Fondacije CURE (Čobanija br. 12) ili Fondacije Heinrich Böll (Čekaluša 42).

EU finansira projekat *Coming out! Zagovaranje i zaštita prava LGBT osoba* u iznosu od 180.000 EUR iz sredstava EIDHR 2012.

HEINRICH
BÖLL
STIFTUNG
BOSNA I
HERCEGOVINA



Ovaj projekat provodi
Fondacija Heinrich Böll,
Ured za Bosnu i
Hercegovinu

Čekaluša 42
71 000 Sarajevo, BiH
Tel: 033 260 450
Fax: 033 260 460

Ovaj projekat finansira
Evropska unija.

Delegacija Evropske unije u
Bosni i Hercegovini
Skenderija 3a
71 000 Sarajevo, BiH
Tel: 033 254 700
Fax: 033 666 037

Evropska komisija je izvršno tijelo EU.

„Evropska unija se sastoji od 28 država članica koje su odlučile postepeno povezivati svoja znanja, resurse i sudbine. Tokom 50 godina proširenja, zajedno su izgradile zonu stabilnosti, demokratije i održivog razvoja, istovremeno zadržavajući kulturne različitosti, toleranciju i lične slobode. Evropska unija je posvećena tomu da svoja dostignuća i vrijednosti dijeli sa zemljama i ljudima izvan vlastitih granica“.